

# Της Τρίχας το Γεφύρι

Ση γέφυραν, ση γέφυραν,  
έλα Δάφνεμ ποταμέ  
ση Τρίχας το γεφύριν,  
ε, Δάφνεμ και μυριγμένε

Σίλιοι μαστόρ' έχτιζαν,  
έλα Δάφνεμ ποταμέ  
και μύριοι μαθητάδες  
ε, Δάφνεμ και μυριγμένε

Όλεν τ' ημέραν έχτιζαν,  
έλα Δάφνεμ ποταμέ,  
το βράδ' ολ' εχαλάουτον,  
ε, Δάφνεμ και μυριγμένε

Ντο δεις με πρωτομάστορα,  
έλα Δάφνεμ ποταμέ  
και στένω το γεφύρι ;  
ε, Δάφνεμ και μυριγμένε

Αν δίγω σε τη Μάνα μου,  
έλα Δάφνεμ ποταμέ  
άλλο μάνιτσα πα κι έχω!  
ε, Δάφνεμ και μυριγμένε

Ντο δεις με πρωτομάστορα,  
έλα Δάφνεμ ποταμέ  
και στένω το γεφύρι ;  
ε, Δάφνεμ και μυριγμένε

Αν δίγω σε τον Κύρη μου,  
έλα Δάφνεμ ποταμέ  
άλλο κύρην πα κι έχω!  
ε, Δάφνεμ και μυριγμένε

Ντο δεις με πρωτομάστορα,  
έλα Δάφνεμ ποταμέ  
και στενω το γεφύρι' ;  
ε, Δάφνεμ και μυριγμένε

Αν δίγω σε την κάλη μου,  
έλα Δάφνεμ ποταμέ  
καλύτερον ευρήκω!  
ε, Δάφνεμ και μυριγμένε

Παραδοσιακό Τραγούδι

**ΔΗΜΟΤΙΚΟ ΣΧΟΛΕΙΟ ΚΑΛΥΒΙΩΝ ΠΕΛΛΑΣ**